



張燕公集卷第二

五言律詩

岳州別王十一趙公入朝

昔濫貂蟬長。同承雨露霏。今參魚鱉守。望美洞  
庭歸。浦樹懸秋影。江雲燒落輝。離魂似征旆。恒  
徃帝鄉飛。

端州別高六

異壤同羈竄。途中喜共過。愁多時舉酒。勞罷或  
長歌。南海風潮壯。西江瘴癘多。於焉復分手。此  
別傷如何。

南中別蔣五向青州

老親依北海。賤子棄南荒。有淚皆成血。無聲不  
斷腸。此中逢故友。彼地送還鄉。願作楓林葉。隨  
君度洛陽。

南中別陳七李十

二年共遊處。一旦各西東。請君聊駐馬。看我轉  
征蓬。畫鷁愁南海。離駒思北風。何時伴春鴈。震  
入上林中。

留贈張御史張判官

旅竄南方遠。傳聞北使來。舊庭知玉樹。合浦識  
珠胎。白髮因愁改。丹誠託夢迴。皇恩若再造。爲  
憶不然灰。

贈高六

北極辭明代。南溟宅放臣。丹誠由義盡。白髮  
愁新。鳥隊炎洲氣。花飛洛水春。平生歌舞席。誰  
憶不歸人。

贈廣平公宋大

亞相本時英。歸來復國楨。朝推長孺直。野慕隱  
之清。傳節還閩障。皇恩入漢京。寧思江上老。歲  
晏獨無成。

和魏僕射還鄉

富貴還鄉國。光輝滿舊林。秋風樹不靜。君子歎  
何深。故老空懸劍。鄰交日散金。衆芳搖落盡。獨

有歲寒心

和張監觀赦

日御臨雙闕。天街儼百神。雷茲作解氣。歲復建寅春。喜候開星驛。歡聲發市人。金環能作賦。來入管絃新。

和朱使欣道峽似巫山之作

江如曉天靜。石似暮雲張。征帆一流覽。宛若巫山陽。楚客思歸路。秦人謫異鄉。猿鳴孤月夜。再使淚霑裳。

和朱使二首

南土多為寇。西江盡畏途。山行阻篁竹。水宿礙

荊蒲。使越才應有。征蠻力豈無。空傳人贈劍。不見虎銜珠。

江勢連山遠。天涯此夜愁。霜空極天靜。寒月帶

江流。思起南征棹。文高北望樓。自憐如墜葉。汎汎侶仙舟。

寄天台司馬道士

世上求真客。天台去不還。傳聞有仙要。夢寐在茲山。朱闕青霞斷。瑤堂紫月閒。何時在飛鶴。笙吹接人間。

深渡驛 一作曲江

旅宿青山夜。荒庭白露秋。洞房懸月影。高枕聽

江流猿響。蒼巖樹。螢飛古驛樓。他鄉對搖落。併  
覺起離憂。

下江南向夔州

大明江霧歇。洲浦棹歌來。綠水逶迤去。青山相  
向開。城臨蜀帝祀。雲接楚王臺。舊知巫山上。游  
子共徘徊。

還至端州驛前與高六別處

舊館分江日。悽然望落暉。相逢傳旅食。臨別換  
征衣。昔記山川是。今傷人代非。往來皆此路。生  
死不同歸。

四月一日過江赴荊州

春色沅湘盡。三年客始回。夏雲隨北帆。同日過  
江來。水漫荊門出。山平郢路開。比肩羊叔子。千  
載豈無才。

相州北亭

人務南亭少。風煙北院多。山花迷徑路。池水拂  
藤蘿。萍散魚時躍。林幽鳥任歌。悠然白雲意。乘  
興抱琴過。

荊州亭入朝

巫山雲雨峽。湘水洞庭波。九辯人猶擯。三秋鴈  
始過。旃裘吳地盡。髣髴楚言多。不果朝宗願。其  
如江漢何。

岳州山城

山城豐日暇。閉戶見天心。東曠迎朝色。西樓引夕陰。書觀千載近。學靜二毛深。忽有南風至。吹君堂上琴。

奉和山城 失名氏

郡館臨清賞。閑高坐白雲。詒虛堂戶曙。觀靜竹簷曛。懸榻迎賓下。趨庭學禮聞。風傳琴上意。遙向日華紛。

岳州晚景 別作詩

晚景寒鴉集。秋聲海鴈歸。水光浮日去。霞彩映虹飛。洲白蘆花吐。園紅柿葉稀。長沙卑濕地。九

衣

庾信宅作

史宋王舊宅。偶詞人筆。湧江山氣。文驕雲。巴胥非救楚。隨會反留秦。獨有東陽守。來

樹春

岳州守歲

吟亦清樽滿。寒庭烽火多。新衣連臂拂。醉坐合。盡歡歌。至樂都忘我。冥心自。委和今年只如此。來。知如何。

晦日

晦日。山。憊春淺。江浦看。潮衣道傍花。欲合枝上鳥。

猶稀。共憶浮橋晚。無人不醉歸。寄書題此日。鴈

過洛陽飛。

湘州九日城北亭子

西楚。不更節。淮南戲馬臺。寧知沅水上。復有菊  
花杯。高。出。帳。馮。心。高。出。親。游。自。遠。來。短。歌。將。急。景。同  
使興情。催。

戲草樹

忽驚石。榴樹遠出渡江來。戲問芭蕉葉。何愁心  
不開。微。霜。拂。宮。桂。婁。次。掃。庭。槐。榮。盛。更。如。此。慙  
君獨見。衣。

詠塵

仙浦生羅襪。神京深素衣。日華耀嶽嶽。日華  
增輝夕。伴龍媒。合朝遊。鳳。舞。龍。飛。落。龍。下。思  
繞畫梁飛。

道家四首奉勅撰

金壇啓曙闌。真氣肅微機。清月輝仙館。劫盡霞  
羽衣。香隨龍節下。雲逐鳳簫飛。暫待蓬萊戲。手  
年始一歸。

窈窕流精觀。深沈紫翠庭。金盞調玉液。靈寶奏  
仙經。作賦看神雨。乘槎辨客星。紙牋謝人俗。舉  
舉託雲輶。

金爐承道訣。玉牒啓玄機。雲霧生華蓋。星辰瀝  
瀟灑。

殿飛乘風嬉浩蕩窺月弄光輝唯有三山鶴應  
同千載歸

道記開中錄直官表上清焚香三鳥奎鍊藥丸  
仙成天上靈書下空中妙妓迎迎來出煙霧渺  
渺戲蓬瀛

惠太子挽歌詞二首

碣館英靈在瑤山美謚尊。剪桐悲薤戲。攻玉愴  
新恩。宮仗專馳道。朝衣送國門。千秋發門外。明  
月照西園。

梁國深文雅。淮王愛道仙。帝散同宴日。神奪上  
賓年。流旒飛行樹。帷宮宿野烟。插言君愛第。掉

淚滿山川

帝譙公挽歌二首

五瑞分王國。雙珠映后家。文飛書上鳳。武結笥  
中蛇。出隊榮前馬。迴鸞表後車。衣衣將錫命。泉  
路有光華。

國騁雙騏驎。庭儀兩鳳凰。將星連相位。玉樹伴  
金鄉。歌舞侯家艷。軒裘戚里光。安知杜陵下。碑  
版已相望。

右丞相挽歌二首

王宰丹青化。春鄉禮樂才。緇衣傳舊職。華袞贈  
新哀。路泣群官送。山嘶駟馬迴。佳辰無白日。賓



閣有青峇。

門歌出野田。冠帶寢窮泉。萬事皆身外。平生尚  
目前。西垣紫泥縛。東岳白雲篇。自惜同聲處。從  
今遂絕絃。

崔尚書挽詞

相宅 坤寶承家占海封。庭中男執鴈。門外女  
乘龍。鳴玉遊三省。擬金侍九重。一朝賓客散。留  
劍在青松。

右侍郎集賢院學士徐公挽詞

才美臨淄比。名高淮海東。羽儀三省遍。漁獵五  
車通。玉斲孤新榜。珠英落舊叢。徒懸一寶劍。何

虞訪徐公

崔司業挽歌二首

海岱英靈氣。膠庠禮樂資。風流滿天下。人物擅  
京師。疾起楊雄賦。魂遊謝客詩。從今好文主。遺  
恨不同時。

象設存華館。威儀下墓田。鳳池傷舊草。麟史泣  
遺編。帷蓋墟煙沒。干旌壠日懸。古來埋玉樹。流  
恨滿山川。

李工部挽歌三首

錦帳為郎日。金門待詔時。揚宮先上賦。栢殿幾  
連詩。瞬息琴歌斷。淒涼簫挽悲。那看灞陵岸。迴

首望京師

宅北西陵上。平生雅志從。城臨丹闕近。山望白雲重。會葬知元伯。看碑識蔡邕。無由接神理。揮涕望青松。

常時好賓客。永日對絃歌。是日歸泉下。傷心無柰何。墓庭人已散。祭處鳥來過。碑石生苔蘚。祭名豈復多。

贈工部尚書馮公挽歌三首

忠鯁難爲事。平生盡畏途。如弦心自直。秀木勢恒孤。詔葬南陵道。神遷北斗樞。貞門傳萬石。餘慶在雙珠。

位題龍旆威儀出。月城路傍人泣送。門外嘶迎萬事非。吾有千悲世是情。昔馬稱夏日。今也謚冬卿。

窅然長夜臺。舉世可哀哉。泉戶一朝閉。松風四面來。石碑填駁蘚。珠服聚塵埃。誰言遼東鶴。千年徃復迴。

徐高御挽歌

蒲密遙千載。鳴琴始一追。公卿傳世範。仁義續靈基。不待南游祿。何先北帝期。玉棺從此閉。金鼎代相欺。

節義太子楊妃挽歌二首

西華三公族東闈五可才玉環初受慶金玦反  
逢災桂殿花空落桐園月自開朝雲將暮雨長  
繞望思其臺

昔日三朝路透迤四望車繡腰長命綺隱髻連  
枝花今春戾園樹索然無歲華共傷千載後惟  
號一王家

河上公

尊師厭塵去精魄知何形氣不復往弟子空  
傷情濟北神如在淮南藥未成共期終莫遂寥  
落兩無名

五言排律

扈從幸常嗣立山莊應制

塵灰飛玉瑄湯井駐金輿既得方明相還尋大  
隗居懸泉珠貫下列帳錦屏舒騎遠林逾密苑  
繁谷自虛門旗塹復磴發幕褰通渠舞鳳隨公  
主雕龍起婕妤地幽天賞洽酒樂御進初非才  
叨侍從連藻媿應徐

奉和聖製喜雪應制

聖德與天同封巒欲報功詔書期日下靈感應  
時通觸石雲呈瑞含花雪告豐積如冰照月散  
似麴從風舞集仙臺上歌流帝樂中遙知百神  
喜灑路待行宮

奉和聖製暇日游興慶宮作應制

漢武橫汾日。周王宴鎬年。何如造區夏。復此睦親賢。巢鳳新成閣。飛龍舊躍泉。棣華歌尚在。桐葉戲仍傳。禁禦氛埃隔。平臺景物連。聖慈良有裕。王道固無偏。問俗兆人阜。觀風五教宣。獻圖開益地。張樂奏鈞天。侍酌衢樽滿。詢島諫鼓懸。詠言形友愛。萬國共周旋。

奉和聖製寒食作應制

寒食春過半。花濃鳥復嬌。從來禁火日。會接清明朝。闢敵雞殊勝。爭球馬絕調。晴空數雲點。香樹愛風搖。以木迎新燧。封田舊。皇情必嘉節。傳曲與簫韶。

奉和聖製賜崔日知往潞州應制

聖情留曩鎮。佳氣翊興王。增戟雄都府。高車轉太常。川橫八練闊。山帶五龍長。連帥初恩命。天人舊紀綱。餞塗飛御藻。闔境自生光。明主徵循吏。何年下鳳凰。

奉和聖製送王駿巡邊應制

六月歌周雅。三邊遣夏卿。欲施攻戰法。先作簡稽行。禮樂知謀帥。春秋識用兵。一勞堪定國。萬里即長城。策有和戎利。威傳破虜名。軍前雨灑道。樓上月臨營。別藻瑤華降。同衣錦。榮關山。

由義近戎馬爲恩輕絲竹路傍散風雲馬上生  
朝廷謂吉甫邦國望君平

奉和聖製春中興慶宮酺宴應制

千齡逢啓聖萬域共來威慶接郊煙後酺承農  
事稀御樓橫廣路天樂下重闈鸞鳳調歌曲虹  
霓動舞衣合聲雲上聚連步月中歸物覩恩無  
外神和道入微鎬京陪樂飲栢殿奉文飛徒竭  
秋雲影何資春日暉

春晚侍宴探得開字

聖政惟稽古賓門引上才坊因購書立殿爲集  
賢開髦彥星辰下僊章日月迴字如龍負出韻  
是鳳銜來庭柳餘春駐宮櫻早夏催喜承芸閣  
宴幸奉栢梁杯

奉和聖製花萼樓下宴應制

萬心翹樂宴三舍緩昌時山接夏雲陰臺留春  
日遲節移芳未歇興隔賞仍追醉後傳嘉惠樓  
前舞聖慈皇恩與時合天意若人期故發前旬  
雨新垂湛露詩

端午三殿侍宴應制

小暑夏絃應徽音商管初願齊長命縷來續大  
恩餘三殿褰珠箔群言上玉除助陽嘗委蕤順  
節進龜魚甘露垂天酒芝花捧御書合卺全蠶

蜺灰骨共蟾蜍今日傷地意啣珠遂闕如

奉和聖製千秋節宴應制

五德生王者千齡啓聖心赤光來照夜黃雲上  
覆晨海縣街恩久朝章獻壽新高居帝坐出夾  
道衆官陳杖洗清景聲管凝秋晏珠囊含瑞  
露金鏡抱仙輪何歲無鄉飲何由不報神薰歌  
與名節傳代幸群臣

奉和聖製太行山中言志應制

六龍鳴玉鑾九折步雲端河春南浮近山經北  
上難羽儀映松雪戈甲帶春寒百谷晨笳動千  
巖曉仗攢皇心感韶節敷藻念人安既立省方

後置建神地危蹕參天老承榮忝夏官長勤  
百年意思見一勝殘

奉和聖製爰因巡省途次舊居應制

蕊鬱興王郡殷憂啓聖圖周成會西土漢武幸  
南都歲卜鑿輿邁農祠鴈政敷武威稜外域文  
教靡中區警蹕干戈捧朝宗萬玉趨舊藩人事  
革新豐國雄殊壁有真龍畫庭餘鳴鳳梧叢觴  
祝堯壽合鼎獻湯厨陽樂寒初變春恩蟄更蘇  
三耆頒命服五稔復田輸君賦大風起人歌湛  
露濡從臣觀玉葉方願紀靈符

奉和聖製渡蒲關應制

蒲版橫臨晉華芝曉望秦關城雄地險橋路扼  
天津樓映行宮日隄含宮樹春黃雲隨寶鼎紫  
氣逐真人東詠唐虞跡西觀周漢塵山河非國  
寶明主愛忠臣

奉和聖製途中經華岳應制

西嶽鎮皇京中峯入太清玉鑾重嶺應緹騎薄  
雲迎霽日懸高掌寒空映削成軒游會神處漢  
幸望仙情舊廟青林古新碑綠字生群臣願封  
岱還駕勒鴻名

奉和聖製過玉瀆墓應制

牛斗三分國龍驤一統年智高寧受制風急肯

船有菜擒吳語無言讓弟中孤囚勢屈功  
為讒偏舊跡灰塵散枯墳故老傳百代逢明  
主何辭死道邊

奉和聖製聖經河上公廟

河上無名老知非漢代太先探道德要留待聖  
明辰玄妙為天下清虛用谷神化將和氣一用  
與大初鄰靈廟觀遺像仙歌入至真皇心齊萬  
物何處不同塵

奉和聖製幸鳳湯泉應制

周狩因岐禮秦都辨雍名獻禽天子孝存老聖  
皇情溫潤宜冬幸游畋樂歲成湯雲出水殿暖

氣入山營坎意無私結乾心稱物平帝歌流樂  
府溪谷也增榮

宿直温泉宮羽林獻詩

冬狩羨秦正新豐樂漢行星陳玄武閣月對羽  
林營寒木羅霜仗空山響夜夏恩深露液暖節  
初古松貞文武皆王事輸心不為事

玄武門侍射

并序

開元之初季冬其望天子始御北闕朝羽林  
軍禮修事厥后二日乃命紫微黃門九卿六  
事與熊羆之將瓜牙之臣合宴焉侑以純錦  
頒以珍器爾其射棚新成布侯既設槩仗林

立帷軒霧布衆官半醉皇情載悅卷珠箔臨  
玉除唐弓在手夏箭斯發應弦命中屬羽連  
飛孤矢已來未之有也若夫天地合道星辰  
獻儀端視和容內正外直自近而制遠耀威  
而觀德無不通神無不極用是射也其惟聖  
人乎于時繁雲覆城大雪飛苑天人同澤上  
下交懽退食懷恩賦詩頌義凡若干篇

射觀通玄闕兵欄闕御筵彫弧月半上畫的暈  
重圓羿后神幽贊靈王法暗傳貫心精四返飲  
羽妙三聯雪鶴來銜箭星麟下集弦一逢軍宴  
洽萬慶武功宣



扈從南出雀鼠谷

豫動三靈贊時巡四海威  
破關凌曙出平路半  
春歸霍鎮迎雲蓋汾河送羽旂  
山南柳半密公  
北草全稀逢日宜華蓋和風入夾衣  
上林千里  
近應見百花飛

將赴朔方軍應制

禮樂逢明主韶鈴尚老臣  
恭憑神武策遠御鬼  
方人供帳榮恩餞山川喜詔巡  
天文日月送朝  
賦管絃新幻志傳三畧  
衰材謝六鈞膽猶忠作  
伴心故道為鄰漢保河南地  
胡清塞北塵連年  
大軍後不日小康辰  
劍舞輕離別歌酣忘苦辛

御水思博望許國不

奉和御製命宴東堂賜詩

大塊鎔群品輕生偶聖時  
猥承三仕命虛忝古  
僚師右揆謀華碩前星傳重資  
連寫求舊禮盪  
點樂賢詩賜各同榮拜擬金宴  
宰司菊花吟御  
酒蘭葉捧天詞寶曆休明盛  
頽年畧漏衰少留  
青史筆未敢赤松期

恩賜樂游園宴

漢苑佳遊地軒庭近侍臣  
共持榮幸日來賞艷  
陽春饌玉頒王籩擬金下帝鈞  
池臺草色徧宮  
觀柳條新花綬光連榻朱顏暢  
飲醇聖朝多樂

事天意每隨人

三月二十日詔宴樂游園賦得風字

樂遊形勝地表裏望郊宮北闕連天頂南山對  
掌中皇恩貸芳月旬宴美成功魚戲芙蓉水鶯  
啼楊柳風春光看欲暮天澤戀無窮長袖招斜  
日留光待曲終

洛橋北亭詔餞諸刺史

離亭拂御溝岸曲舞舡樓詔候朝旌牧符分海  
縣憂股肱還入郡父母更臨州府送仁風轉車  
隨霖雨流恩光水上溢榮色柳間浮預待群方  
最三公不遠求

世所宴姚紹之 并序

姚司馬往在柏臺每欽骨鯁及茲荒服偶得  
官聯復有令弟美徹芬芳襲予山寺外廬幽  
深形勝童冠是集歡言賦詩

把梓滯江濱光華向日新難兄金作友媚子玉  
為人山水含秋興池亭借善鄰簷松風送靜院  
竹鳥來馴翠竿吹黃菊瑤盤鱸紫鱗緩歌料醉  
舞為拂綉衣塵

溫泉馮劉二監客舍觀妓

溫泉寒林薄王游樂事多佳人蹀駿馬乘月夜  
相過秀色燃紅黛嬌香發綺羅鏡前鸞對舞琴

裏鳳傳歌。妬寵傾新意。銜恩柰老何。為君留上  
客。歡笑歛雙蛾。

對酒行巴陵作

留侯封萬戶。園令壽千金。本為成王業。初由賦  
上林。繁榮安足恃。霜露遞相尋。鳥哭楚山外。猿  
啼湘水陰。夢中城闕近。天畔海雲深。空對忘憂  
酒。離憂不去心。

送趙二尚書彥昭北伐

虜地河水合。邊城備此時。兵連紫關路。將舉白  
雲司。題劍箆中賞。銜珠盛出師。日華光組練。風  
色焰旌旗。校書尊前起。橫戈馬上辭。梅花吹別

引楊柳賦新詩

送趙順直郎中赴安西

絕鎮功難立。懸車命匪輕。復承遷相後。珍重任  
賢情。將起神僊地。才稱禮樂英。長心堪繫虜。短  
語足論兵。日授休明法。星教置陣名。龍泉恩已  
署。燕頷相終成。月窟窮天遠。河源入塞清。老夫  
操別翰。承旨頌昇平。

送蘇令商

都邑群芳首。商泉舊俗訛。變風須愷悌。成化佇  
絃歌。疇昔珪璋友。雍容文雅多。振纓遊省闈。鏘  
玉宰京河。別曲鸞初下。行軒雉尚過。百壺非餞

意流詠在人和

送喬安邑備

書閣移年歲文明難復辭歡言冬雪滿恨別夏  
雲滋外尹方為政高明自不欺老人參馭住童  
子狎雛嬉日茂西河俗寂寥東觀期遙懷秀才  
令京洛見新詩

送宋休遠之蜀任

求友殊損益行道貴窮申綴我平生氣吐贈薄  
游人結恩事明主交遠辭親色麗城都浴膏  
腴蜀水濱如何從之堅白共之繼之自之千齡  
與河山萬族之書之不之及

安人豈能令王化淳

岳州別梁六入朝

遠蒞長沙渚欣逢賈誼才江山疲應接風日復  
晴開江樹雲間斷湘山水上來近洲朝鷺集古  
戍夜猿哀岫含蒼河蒲秀紫臺月餘偏地  
賞心盡故人杯自我違京洛嗟君此泝洄容華  
因別老交舊與年顏夢見長安陌朝宗實盛哉

石門別楊六欽望

燕人同竄越萬里自相哀影響無期會江山此  
地來暮年傷况梗累日慰寒灰潮水東南落浮  
雲西北迴俱看石門遠倚棹兩悲哉

南中送北使二首

傳聞合浦葉曾向洛陽飛何日南風至還隨北  
使歸紅顏渡嶺歌白首對秋衰高歌何由見層  
堂不可違誰憐炎海曲淚盡血沾衣

待罪居重譯窮愁暮雨秋山臨鬼門路城繞瘴  
江流人事今如此生涯尚可求逢君入鄉縣傳  
我念京周別恨歸途遠離言暮景適夷歌翻下  
淚虜酒未消愁聞有胡兵急深懷漢國羞和親  
先是詐款塞果為雙釋繫應分爵蠲徒幾復侯  
庶願誠未老孫叔且無謀若道馮唐事皇恩尚  
可收

伯奴邊見歸田賦因投趙侍御

爾家歎窮鳥窮鳥用趙書吾俗賦歸田用張真

道榮枯異同嗟世網牽黃陵浮汨渚青歲會湘  
川去國逾三歲茲山老二年寒鴉鳴舍下昏虎  
卧籬前客淚堪班竹離憂欲贈茶放言又無次  
觸興感成篇

古泉驛

昔聞陳仲子守義辭三公身耕妻織履樂亦在  
其中豈無窮賤苦羞與傾巧同長白臨河上於  
陵入濟東我今行至此感歎石泉空

偶遊龍門北溪忽懷驪山別業呈諸留

守

幽谷杜陵邊風烟別幾年偶來伊水曲溪嶂覺  
依然傍浦憐芳樹尋崖變綠泉巖雲隨馬足山  
鳥向人前地合心俱盡言同理自玄短才叨重  
寄尸祿媿妨賢每揖掛冠侶思從初服旋稻梁  
仍欲報歲月坐空指助嶽無纖芥輸溟謝末涓  
滾陪北轅去方耕南澗田

奉酌龍門北溪作

石澗泉虛落松崖路曲迴聞君北溪下想像南  
山隈近念鼎所別遠思君厚陪不同奇構往空  
觀斯文來歲後寒初變春前芳未開黃蕤藁岸  
柳紫萼拆春梅盡室茲游翫盈門幾樂哉嗟遊  
洛陽陌夢詣建章臺野失巢由性朝非元凱才  
布懷欽遠近幽意日塵埃

酬常奈酒見贈

聞君湯井至瀟灑憇郊林拂曙攜清賞披雲觀  
綠岑歡言遊覽意款曲望歸心是日期佳客同  
山忽異尋桃源花路轉楊柳澗門深汎舟伊水  
漲繫馬香樹陰繁絃弄水族嬌吹狎沙禽春滿  
汀色媚景斜嵐氣侵懷仁殊未遠重德匪臨  
東早敷幽思連詞報所欽

同劉給事城南宴集

水竹幽深地簪纓近侍臣雍容乘暇日蕭灑出  
囂塵樹對思朋鳥池深入養鱗管絃高逐吹歌  
舞妙含春老子叨專席歡遊隔縉紳此中情不  
淺遥寄賞心人

寄許八

萬類春皆樂祖顏獨不怡年來人更老花發意  
先衰乳雀穿壇畫巢蜂觸網絲平生美容色宿  
昔影中疑遠道何由夢同心在者誰西風欲寄  
語惘然遂無詞

赦歸在道中作

陳焦心息盡死意不期生何幸光華旦流入歸  
上京愁將網共解眼與代俱新便是三階正還  
逢四海平誰能定禮樂為國著功成

喜渡嶺

東漢興唐曆南河復禹謀寧知瘴癘地生入帝  
皇州雷雨蘇虫蟄春陽放鳥鳩泗泐炎海畔登  
降閩山陬嶺路分中夏川源得上流見花便獨  
笑看草即忘憂自始居重譯天星已再周鄉關  
絕歸望親戚不相求棄杖枯還植窮鱗涸更浮  
道清黃鶴去運啓白駒留江妾晨炊黍津童夜  
濯舟盛明良可遇莫後洛城遊

清遠江峽山寺

流落經荒外。逍遙此梵宮。雲峰吐日月。石壁淡  
烟虹。寶塔靈仙湧。懸龕造化功。天香涵竹氣。虛  
嘒引松風。簷牖飛花入。廊房激水通。猿鳴知山  
靜。魚戲辨江空。靜默將何貴。所貴心鏡同。

相州冬日早衙

城外宵鍾歛。閤中曙火殘。朝光曜庭雪。宿凍聚  
池寒。正色臨廳事。疑詞定筆端。除苛固固息。伐  
積吏人寬。河內功猶淺。淮陽疾未安。鏡中星髮  
變。頓使世情闌。

岳州作

水國生秋草。離居再及瓜。山川臨洞穴。風日望  
長沙。物土南州異。關河北信賒。日昏聞怪鳥。地  
熱見修蛇。遠人夢歸路。瘦馬嘶去家。正有江潭  
月。徘徊戀九華。

岳州西城

水國何遼曠。風波遂極天。西江三紀合。南浦二  
湖連。危堞臨清境。煩憂暫豁然。九圍觀掌內。萬  
象閱眸前。日去長沙渚。山橫雲夢田。汀葭變秋  
色。津樹入寒烟。潛穴探靈詭。浮生揖聖仙。至人  
今不見。跡滅事空傳。

遊洞庭湖

平湖曉望分。仙嶠氣氛氲。鼓枻乘清渚。尋峰弄



白雲江寒天一色日靜水重紋樹坐參猿嘯沙  
行入鷺群綠源班篠密脊徑綠蘿紛洞穴傳虛  
應楓林覺自薰雙童有靈藥願取獻明君

別澧湖

念別澧湖去浮舟更一臨千峰出浪險萬木抱  
煙深南郡延恩渥東山戀宿心露花香欲醉時  
鳥轉餘音涉趣皆留賞無奇不遍尋莫言山水  
間幽意在鳴琴

巴丘春作

日出洞庭水春山掛斷霞江岑相映發卉木共  
紛華湘戍南浮閣荆關北望賒湖陰窺颺颺丘  
勢辨巴蛇島戶巢爲館漁人艇作家自憐心問  
景三歲客長沙

春雨早雷

東北春風至飄飄帶雨來拂黃先變柳點素早  
驚梅樹鵲懸書閣烟合作賦臺河魚未上東江  
蟄已聞雷美人宵夢著金屏曙不開無緣一啓  
齒空酌萬年杯

聞雨

窮冬萬化匝永夜百憂攢危戍臨江火空齋入  
雨寒斷猿知屢別嘶馬覺虛彈心對爐灰死顏  
隨庭樹殘舊恩懷未報頃瞻鏡中看

岳州夜坐

炎洲苦三伏未日卧孤城賴此閑庭夜蕭條夜  
月明獨歌還太息幽感見餘聲江近鶴時叫山  
深猿屢鳴自心觀有欲棄知返無名五十知天  
命吾其達此生

岳州觀競渡

畫作飛鳥艇雙雙競拂沉低裝山色變急棹水  
華浮土尚三閭俗江傳二女遊齊歌迎孟姥獨  
舞送陽侯鼓發南湖濞標爭西驛樓並驅恒詫  
速非畏日光適

七言律詩

侍宴隆慶池應制

靈池月滿直城隄。黻帳天臨御路開。東沼初陽  
疑吐出。南山曉翠若浮來。魚龍百戲分容與。鳧  
鷖雙舟較泝洄。願似金堤青草護。長承瑤水白  
雲杯。

奉和聖製春日幸望春宮應制

別館芳菲上苑東。飛花澹淡御筵紅。城臨渭水  
天河靜。闕對南山雨露通。繞殿流鶯凡幾樹。當  
蹊亂蝶許多叢。春園既醉心和樂。共識皇恩造  
化同。

先天應令

三陽麗景早芳辰。四方嘉園物候新。梅花百般障。路垂柳千條。暗迴津。鳥鷺真為飛。風葉。魚躍都。由怯岸人。唯願聖主。南山壽。何愁不賞萬年春。

奉和聖製春日出苑應制

禁林艷裔發春陽。春望道遙出畫堂。雨洗亭皋千畝綠。風吹梅李一園香。鶴飛不去隨青管。魚躍翻來入彩航。猗承天保定。道文更覩日重光。

扈從溫泉宮獻詩

溫泉啟。靈氣氤氳。瀉浦。燭。日數群。騎仗。臨。環北極。鳴。引南薰。松間彩殿。籠佳氣。山上朱旗。繞瑞。不知遠夢。華胥國。何如親奉帝堯君。

三月二日詔宴定昆池宮莊賦得筵字

鳳凰樓下對天泉。鸚鵡洲中匝管絃。舊識平陽佳麗地。今逢上巳盛明年。舟將水動千尋日。幕共林橫兩岸煙。不降王人觀禊飲。誰令醉舞拂賓筵。

同趙侍御巴陵早春作

江上春來早可觀。巧將春物妬餘寒。水苔共繞留石。花鳥爭開鬪鴨欄。佩勝芳辰日漸暖。燃

燈美夜月初圓。意隨北鴈雲飛去。待南州蕙草殘。

遙同蔡起居偃松篇

清都塚木總榮紛。傳道孤松最出群。名接天庭多景色。氣連宮闕借氛氲。懸池的的停華露。偃蓋重重拂瑞雲。不惜流膏助仙鼎。願將楨幹奉明君。莫比冥靈楚南樹。朽老江邊代不聞。

幽州新歲作

去歲荆南梅似雪。今年薊北雪如梅。共知人事何常定。且喜年華去復來。邊鎮戍歌連夜動。京城烽火徹明開。迢迢西向長安日。願上南山壽

一杯

贈崔二安平公樂世詞一首

十五紅粧侍綺樓。暫承天澤擬淹留。翠蛾未斂笑先開。紫萼初生春欲歸。知宿昔恩華樂變。化瀟湘離別愁。地濕未乾花未落。管生舞袖江聲怨。歎人筵篋自憐京北樓。看君自有待南來五馬留。

舞馬千秋萬歲樂府詞三首

金天誕聖千秋節。玉醴還分萬壽觴。試聽紫韶歌樂府。何如騷騷舞華籥。連騫勢出魚龍變。蹀躞生鳥獸行。歲歲相送。何日翩翩來伴慶雲翔。

聖皇至德與天齊。天馬來義自海西。腕足徐行  
拜兩膝。繁驕不進踏千蹄。鬃鬣奮鬣時。蹲踏鼓  
怒。曠身忽上躋。更有銜杯終宴曲。垂頭掉尾醉  
如泥。

遠聽明君愛逸才。玉鞭金翅引龍媒。不因茲白  
人間有。定是飛黃天上來。影弄日華相照耀。噴  
含雲色且徘徊。莫言闕下桃花舞。別有河中蘭  
葉開。

五言絕句

奉和聖製潼關口號應制

天德平無外。關門東復西。不將一  
何用一

九沈

嶺南送使二首

嶽中生白髮。嶺外罷紅顏。古來相送處。凡得幾  
人還。

萬里投荒裔。來時不見親。一朝成白首。看取報  
家人。

清夜酌

秋陰士多感。雨息夜無塵。清樽宜明月。復有平  
生人。

醉中作

醉後樂。彌勝未醉時。動容皆是舞。出語總

成詩

送梁知微渡海東

今日此相送。明年此相待。天上客星迴。知君渡東海。

寄劉道士烏江

真人降紫氣。邀我丹田宮。遠寄雙飛鳥。飛鳥不礙空。

荅香能和尚塔

大師捐世去。空餘法力在。遠寄無礙香。心隨到南海。

被使在蜀

即今三伏盡。尚在晦功歸。途千里外。秋月定相逢。

正朝摘梅

蜀地寒猶暖。正朝發早梅。偏驚萬里客。已復一年來。

蜀道後期

客心爭日月。來往預期程。秋風不相待。先至洛陽城。

廣州江中作

去國歲方晏。愁心轉不堪。離人與江水。終日向西南。

江中誦經

實相歸懸解。虛心暗在通。澄江明月內。應是色成空。

江中遇黃領子劉隆

九石江中起。孤雲嶺上還。相逢皆得意。何處是鄉關。

欽州守歲

故歲今宵盡。新年明日來。愁心隨斗柄。東北望春迴。

岳州守歲二首

夜風吹醉舞。庭戶對酣歌。愁逐前年少。歡迎今歲多。

桃枝堪辟惡。爆竹好驚眠。歌舞留今夕。猶言惜舊年。

元朝

元日今歲樂。不謝往來春。知向來心道。誰爲昨夜人。

耗磨日飲

耗磨傳茲日。縱橫道未宜。但令不忘醉。翻是樂無爲。

九日進茱萸山詩五首

家居洛陽下。舉目見嵩山。作茱萸節。情生造。

化間

黃花宜汎酒。青嶽好登高。稽首明廷內。心爲天下勞。

菊酒携山客。萸囊繫牧童。路疑隨大隗。心似問鴻蒙。

九日重陽數。三秋萬實成。時來謁軒后。罷去坐蓬瀛。

晚節歡重九。高山上五千。醉中知遇聖。夢裏見尋仙。

看黃葉

白首看黃葉。但顏復幾何。空歎棠樹下。不見政成歌。

傷妓人董氏四首

董氏嬌饒姓。多爲窈窕名。人隨秋月落。韻入擣衣聲。

粉蓋粘粧簾。金花唱翠條。夜臺無戲伴。魂影向誰嬌。

舊亭紅粉閣。宿處白雲關。春日雙飛去。秋風獨不還。

舞席沾殘粉。歌梁委舊塵。獨傷窓裏月。不見帳中人。

六言



破陳樂詞二首

漢兵出頓金微照日光明鐵衣百里火燭燭燭  
千行雲騎霏霏感踏遼河自竭鼓譟燕山可飛  
正屬西方朝駕端知萬舞皇威

少年膽氣凌雲共許驍雄出群疋馬城西挑戰  
單刁薊北從軍一鼓鮮卑送款五餌單于解紛  
誓欲成名報國羞將開閣論勳

舞馬詞六首

萬玉朝宗鳳宸千金率領龍媒  
聆歌弄影徘徊  
天鹿遙徵衛叔日龍上借義和將共兩騾爭舞

陸八駿齊歌

綵旌八佾成行將龍五色因方屈膝啣杯赴節  
傾心獻壽無疆

帝皂龍駒沛艾星蘭驥子權奇騰倚驥洋應節  
繁騎接跡不移

二聖先天合德群靈率土可封繁石駮驪紫燕  
縱金顧步蒼龍

聖君出震應靈神馬浮河獻圖走踏天庭鼓舞  
心將帝樂踟躕

七言絕句

侍宴臨渭亭應制

青郊上巳豔陽年紫禁皇遊禊渭川幸得歡娛  
承湛露心同草樹樂春天

桃花園上馬

林間艷色驕天馬苑裏濃粧伴麗人願逐南風  
飛帝席年年含笑舞青春

奉和聖製同王真公主遊大正山池題

石壁

池如明鏡月華開山學香爐雲氣哀神藻飛爲  
鶴鳴賦仙聲颺出鳳凰臺

舟中和蕭令潭字

春三月日重三春水桃花滿袂潭度樂遠遊

天上下山舟搖衍鏡中酣

送梁六自洞庭山作

巴陵一望洞庭秋日見孤峰水上浮聞道神仙  
不可接心隨湖水共悠悠

同趙侍御望歸舟

山亭迥迥面長川江樹重重極遠烟形影相追  
高翥鳥心腸併斷北飛船

襄陽路逢寒食

去年寒食洞庭波今年寒食襄陽路不辭看處  
尋山水祇畏還家落春暮

十五日夜御前口號踏歌詞二首

花萼樓前雨露新。長安城裏太平人。龍嘶火樹  
千燈艷。雞踏蓮花萬樹春。

帝宮三五戲春臺。行雨流風莫妬來。西域燈輪  
千影合。東華金闕萬重開。

蘇摩遮五首

摩遮本出海西胡。琉璃寶服紫髯鬚。闐道皇恩  
遍宇宙。來將歌舞助歡娛。


繡裝帕額寶花冠。夷歌騎舞借人看。自能激水  
成陰氣。不慮今年寒不寒。

臘月凝陰積帝臺。齊歌急鼓送寒來。油囊取得  
天河水。將添萬壽萬年杯。

寒氣宜人最可憐。故將寒水散庭前。惟願聖君  
無限壽。長取新年續舊年。

昭成皇后之家親。榮樂諸人不比人。往日霜前  
花委地。今年雪後樹逢春。

張燕公集卷第一



張燕公集卷第一

三十四

